

證治彙補三



證治彙補卷之三

門人唐玉書翰文

徐文璧瑩公

上海李惺菴先生著

姪邦俊彥章

男謨丕文

發熱章

誥揆文全較

大意

經曰陰虛則發熱此一端也其他除外感客邪之外  
有勞力勞色氣鬱火鬱傷食傷酒挾痰挾痰瘡毒虛  
煩皆能發熱宜熟辨之

彙補

內因

陰虛而陽氣偏勝則發熱陽虛而下陷陰中亦發熱

東垣

外候

五藏發熱各有其狀以手捫之輕舉則熱重按不熱是熱在皮毛血脉間也重按則熱輕舉不熱是熱在筋骨間也輕手重手俱不熱不輕不重乃熱者是熱在肌肉間也肺熱者熱在皮膚曰西尤甚酒淅喘咳心熱者熱在血脉日中則甚心煩掌熱脾熱者熱在肌肉遇夜尤甚倦怠嗜臥肝熱者熱在筋肉寅卯則



甚筋緩善怒腎熱者熱蒸在骨夜半尤甚骨蒸如蘇  
東垣

### 鬱火發熱

鬱火發熱左關弦數有力或緩弱有力肌肉如火筋  
骨如燒捫之烙手或晝夜不減或夜分卽熱天明暫  
緩其熱必手足四肢更甚緣脾主四末熱伏地中故  
也此症亦有因血虛而得者亦有胃虛過食生冷陰  
覆乎陽鬱遏陽氣于脾土之中者宜用火鬱發痰之  
法火鬱湯主之

準繩

陽鬱發熱



陽鬱發熱由勞役飢飽失宜其潮熱宛類瘵疾日出  
氣暄則熱天陰夜涼卽緩六脉弦數宜補中益氣湯  
加地骨皮或逍遙散彙補

骨蒸發熱

四肢蒸灼如火者必陰氣虛陽氣盛四肢者諸陽之  
本也兩陽相搏而陰氣虛少少水不能滅盛火而陽  
獨治獨治者不能生長也獨勝則止耳如炙如火者  
當肉燥也素問外候口乾体瘦食少懶倦遇夜尤甚平  
旦不覺宜秦艽鱉甲散主之彙補

內傷發熱

內傷飢餓勞倦發熱六脉微弱或右手大三倍于左手按之無力懶言自汗渾身痠軟甚至肌膚壯熱目赤面紅譫語煩渴日夜不怠身不惡寒爲血虛發熱雖像白虎湯症而脉不長實宜當歸補血湯準輕者頭眩倦惰飲食無味惡寒發熱時作時止下午乃發手心熱而手背不熱所謂陽虛下陷發熱也輕者三發卽止南人呼爲勞發者卽此又飲食失節勞役過度一切火症悉屬內真寒而外假熱故肚腹頻喜手按口畏冷物乃形氣病氣俱不足也補中益氣湯大劑服之甚者加附子若因熱而汗下之立危

彙補

陽虛發熱

有腎虛水冷火不歸經游行於外而發熱者自汗不  
任風寒煩渴引飲不能下咽面目俱赤舌生芒刺兩  
唇黑裂喉間如火兩足如烙痰涎壅盛喘息不寧脉  
浮洪大按之微弱宜用八味丸導龍入海所謂踞其  
窟宅而招之卽益火之原以消陰翳也

補藥

陰虛發熱

有勞心好色內傷真陰陰血旣傷陽氣獨盛發熱不  
止向晚更甚或飲食如常頭脹時作脉洪數無力視  
其舌大而色赤者陰虛也當滋真陰宜地黃湯若久



而盜汗遺精咳嗽毛枯宜三才丸補水以匹火是亦

壯水之主以鎮陽光之義耳

補藥

血虛發熱

一切吐衄便血產後崩漏血虛不能配陽陽亢發熱者治宜養血然亦有陽虛而陰走者不可徒事滋陰所以有脫血益氣陽生陰長之法使無形生出有形來此千古傳心之法嘗見庸流耑執四物以爭長此未明大易之義也

補藥

痰症發熱

痰症發熱向夜大作天明漸止必兼胸膈不快惡心



北京中醫藥大學圖書館版權所有

不食肢倦體瘦蓋痰滯中宮阻碍升降故惡心痞悶  
血無所滋故夜分轉甚津液不化而體瘦氣血阻滯  
而倦怠均宜健脾化痰寬中清火則痰利而熱除矣  
如果實痰爲患滾痰化痰二丸皆可選用

補藥

### 傷食發熱

傷食發熱必氣口緊盛或沉伏頭疼嘔惡噫氣吞酸  
胸口飽悶或脹或痛手不可按蒸蒸然熱明知其熱  
在內也消導則已

指掌

若兼左脉弦急又是傷食夾寒

先宜解表然後消導如不愈後變口舌乾燥心下硬  
痛等症當急攻之大柴胡湯枳朮丸

補藥

瘀血發熱

瘀血發熱必脉濇嗽水不嚥或痰涎嘔惡或兩足厥冷或胸脇小腹急結或吐紅鼻衄均宜桃仁承氣湯

下之

仁齋

瘡毒發熱

瘡毒發熱飲食如故日晡寒熱拘急倦怠脉數而急須問有無痛處以驗其瘡毒之候治先發散然後和

血

六要

作止分辨

夫外感寒熱齊作無間內傷寒熱間作不齊此待論



其常耳東垣然外感初起似瘧狀發亦作止不時此邪

氣尚淺而未能混淆正氣故乍離乍合脉必至數有

力仍當解散更有內傷勞倦似陽明白虎發熱晝夜

不減此氣血兩虛故亦齊作無間脉必重按無力仍

當溫補彙補

晝夜熱辨

晝則發熱夜則安靜是陽氣偏勝于陽分也晝則安

靜夜則發熱是陽氣下陷于陰中也晝則發熱煩躁

夜亦發熱煩躁是重陽無陰也東垣更有晝熱陽虛口

中無味病責之胃宜甘溫補氣暮熱陰虛口中有味

病責之腎宜甘寒滋陰

補彙

三焦熱辨

熱在上焦咽乾口糜熱在中焦心煩口渴熱在下焦

便閉溺赤

入門

虛實熱辨

胸悶而惡心引飲便實者實熱也胸爽而少食自汗

短氣者虛熱也

入門

表裏熱辨

有表症而身熱者外感表熱也無表症而身熱者內

傷裏熱也

補彙

氣血熱辨

氣分虛熱者用甘溫以除熱蓋大熱在上大寒必伏于內用甘溫以助地氣使真氣旺而邪火自熄血分虛熱者用甘寒以勝熱蓋陰火浮于外必真陰竭于內用甘寒以補腎使真水充而虛焰潛滅也

補彙

假熱有二

如大熱而甚寒之不寒是無水也熱去復來晝見夜伏夜見晝止時節而動是無火也熱動復止倏忽往來時作時止是無水也當助其腎又寒之不寒責腎之虛寒之不久責腎之少方有治熱以寒寒之而穀



食不入此爲氣不疎通壅而爲是也

玄珠

有病熱脉數

按之不鼓擊于指下者此陰盛格陽內真寒而外假熱陰症似陽也病熱忽寒手足俱冷按之脉來鼓擊于指下有力者此陽盛拒陰外假寒而內實熱陽症似陰也

傷寒書

彙補曰發熱真假幽顯難明苟不力辨則刹那生死能不畏哉如上所說入悉玄奧真化工筆也然究其參稽之力非洞曉易義不能道其隻字要知陰陽雖備于內經而變化莫詳乎義畫若是則太少剛柔陰陽動靜烏可不究乎哉旣明太少剛柔

陰陽動靜方知陽中有陰陰中有陽一切真假逆  
順五藏幽顯無難揅測矣故醫易曰病治脉藥須  
識動中有靜聲色氣味當知柔裏藏剛知剛柔陰  
陽之運用而醫中之玄妙思過及半矣

### 脉法

浮大無力爲虛熱沉實有力爲實熱病熱有火者生  
心脉洪大是也無火者死心脉細沉是也脉盛汗出  
不解者死脉虛身熱不止者死身有熱脉濇脉靜者  
皆難治

### 治法

小熱之氣涼以和之大熱之氣寒以取之實熱之氣下以折之虛熱之氣溫以從之鬱熱之氣因其勢而發之假熱之氣求其屬而衰之

補

### 用藥

內傷勞役氣虛補中益氣湯肝經鬱火發熱逍遙散  
血虛發熱四物湯陰虛發熱六味丸陽虛發熱八味  
丸鬱火發熱者火鬱湯瘀血發熱者當歸復元湯傷  
食發熱者平胃合二陳小柴胡湯

### 選方

補中益氣湯

見虛中

逍遙散

見火症

六味丸

見前



八味丸

見前

火鬱湯

見火症

四物湯

見血症

秦艽鱉甲散

三才丸

俱見癆瘵

桃仁承氣湯

見血症

二陳湯

滾痰丸

平胃散

化痰丸

俱見痰

枳朮丸

見傷食

當歸補血湯

黃芪

三錢

當歸

一錢

棗

當歸復元湯

柴胡

八分

當歸

川山甲

花粉

各一錢

甘草

紅花

各七分

桃仁

錢半

酒浸大黃

三錢

加青皮

七分

小柴胡湯

人參一錢

黃芩

五分

半夏

七分

甘草

七分

加姜棗

大柴胡湯

即小柴胡湯加大黃枳殼厚朴

白虎湯

石膏

三錢

知母

花粉

各錢半

甘草

一錢

加竹葉

粳米